



9624



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐԻ ՊԱՇՏՈՆԱԿԱՏԱՐ
Ռ. ՊԵՏՐՈՍՅԱՆ

« 22 » 04 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0134-21

Ձեռնարկողը՝

«ՆՕՍ ՊՐՈԵԿՏ» ՍՊԸ

Ք. Երևան, Արուսյան 29

Գործունեությունը՝

Վարդենիկ համայնքի «Կրթահամալիրի» վերակառուցման
շրջակա միջավայրի վրա ազդեցության նախնական
գնահատման հայտ

Գեղարքունիքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

Առդիր եզրակացությունը՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0134-21

<<22>> 07 2021թ.

Վարդենիկ համայնքի «Կրթահամալիր»-ի վերակառուցման շրջակա միջավայրի վրա ազդեցության նախնական գնահատման հայտ

Ներածական մաս

Ձեռնարկող՝

«ՆՕՍ ՊՐՈԵԿՏ» ՍՊԸ

Ներկայացված նյութեր՝

Նախնական գնահատման հայտ
Գ կատեգորիա

Տեղադրման վայրը՝

Գեղարքունիքի մարզ, Վարդենիկ համայնք

«ՆՕՍ ՊՐՈԵԿՏ» ՍՊԸ կողմից ներկայացված նախնական գնահատման հայտով նախատեսվում է՝ վերակառուցել Գեղարքունիքի մարզի Վարդենիկ համայնքի 4-րդ փողոց, թիվ 67 հասցեում գտնվող Վարդենիկի Ս. Մխոյանի անվան կրթահամալիրը, նախագիծը մշակվել է համաձայն պատվիրատուի և Վարդենիկի համայնքապետարանի կողմից ներկայացված 2020թ. սեպտեմբերի 25-ի N13 ճարտարապետահատակագծային առաջադրանքի հիման վրա:

Համաձայն նախնական գնահատման հայտի՝ դպրոցի կառուցման և վերակառուցման աշխատանքներն իրականացվելու են անշարժ գույքի սեփականության իրավունք ունեցող 1.2հա ընդհանուր մակերեսով հողամասում: Հողամասի նպատակային նշանակությունը բնակավայրերի է, գործառնականը՝ հասարակական կառուցապատման: Գործունեության նպատակն է՝ սեյսմիկ անվտանգության բարելավման շրջանակներում ապահովել դպրոցի անվտանգությունը, սեյսմոանվտանգությունը: «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի, 7) կետի ա. ենթակետի համաձայն նախատեսվող գործունեությունը հանդիսանում է Գ կատեգորիայի գործունեության տեսակ:

Նկարագրական մաս. Նախատեսվող գործունեությունն իրականացվելու է Գեղարքունիքի մարզի Վարդենիկ համայնքում գործող կրթահամալիրի տարածքում:



մասնաշենքը նախատեսվում է, որպես մանկապարտեզ՝ առանձին մուտքով և ցանկապատով:

Հաշմանդամություն ունեցող երեխաների և այլ սակավաշարժ խմբերի համար նախատեսվում են վերելակ և թեքահարթակներ՝ արտաքին մուտքերում, ինչպես նաև հաշմանդամ երեխաների համար հարմարեցված սանհանգույցներ:

Կրթահամալիրի մասնաշենքերի տանիքը նախագծվում է լանջավոր՝ կազմակերպված ջրահեռացմամբ: Տանիքում նախատեսվում է տեղադրել ֆոտովոլտային կայան: Տեղադրվելու են 315 Վտ հզորության 160 մոնոքրյուրեղներով ՖՎ մոդուլներ տանիքի հարավային հատվածքում՝ 470 թեքության տակ, որը կապահովի դպրոցին շուրջ 50վտ հզորություն էլեկտրաէներգիա:

Նախագծվող կրթահամալիրի ջրամատակարարման և ջրահեռացման գործընթացները՝ ըստ տեխնիկական պայմանի, կազմակերպվելու են նոր խմելու ջրագծի կառուցմամբ՝ 700 մ-ից և 140 մ հեռավորության վրա գտնվող Կ. Շահինյան փողոցի համայնքային կոյուղագծին միացմամբ: Կոյուղու ցանցը կառուցվելու է $d=160-200$ մ տրամաչափի պոլիէթիլենային խողովակներով:

Վերակառուցվող կրթահամալիրի ջեռուցման գործընթացը, ինչպես և նախկինում կկազմակերպվի գոյություն ունեցող կաթսայատան միջոցով և նախատեսվում է իրականացնել միայն տեխնոլոգիական լուծումների արդիականացում: Նախատեսվում են 421 կվտ/ժամ հզորության ջրային երկու կաթսաներ՝ բնական գազով շահագործվող:

Կրթահամալիրի վերակառուցման շինմոնտաժային աշխատանքները, համաձայն կրթահամալիր շինարարական աշխատանքների կազմակերպման նախագծի, նախատեսվում է իրականացնել փուլային: Վերակառուցման աշխատանքների 1-ին փուլում կիրականացվեն 5, 7 և 6 մասնաշենքերի վերակառուցման գործողությունները, իսկ 2-րդ փուլում՝ 1, 2, 3 և 4 մասնաշենքերի վերակառուցումը:

Շինարարության յուրաքանչյուր փուլի նորմատիվ ժամկետն հաշվարկվել է 13 ամիս ներառյալ՝ հրապարակի նախապատրաստման գործողությունները, իսկ վերակառուցման աշխատանքների ընդահանուր տևողությունը կկազմի 26 ամիս:

Նախատեսվող գործունեությունը ենթադրում է 1194.20 մ³ ծավալի հողային հանույթ: Հանվող 525.80 մ³ ծավալով հողային զանգվածը կօգտագործվի որպես հետլիցք, մնացած 668.4 մ³ կտեղափոխվի Վարդեիկի համայնքային աղբավայր:

Շինարարության ընթացքում բնառեսուրսներից օգտագործվելու է ջուր՝ 5546.7 մ² մակերեսով տարածքների ջրցանման համար՝ 2196.5 մ³: Աշխատանքների շինարարության փուլում աշխատողների խմելու ջուրը վերցվելու է գործող կրթահամալիրի մասնաշենքից՝ տեղադրելով կարգավորող փական և ջրաչափ միացման կետում: Ջրապահանջը կկազմի 1034.2 մ³ շինարարություն ժամանակ կամ 1.808 մ³ օրական:

Շինարարության փուլում առաջանալու են մոտ 2426 տ շինարարական աղբ և ≤ 5 կգ/օր կենցաղային աղբ, ինչը կհավաքվի հրապարակում տեղադրվող կենացաղային աղբի համար նախատեսվող տարաներում և կանոնավոր կերպով կհեռացվի հասարակական աղբամաններ:

Շինարարության ողջ ընթացքում առաջացող յուղերի բանեցված մնացորդները (գնահատվում են ≤ 25 լ) կհավաքվեն և կպահվեն հերմետիկ փակ և մետաղական



տարաներում, իսկ հետագայում կհանձնվեն վերջիններիս վերամշակմամբ զբաղվող լիցենզավորված կազմակերպության: Հրապարակում քայուղերի և հեղուկ վառելիքի տարաները կպահվեն հատուկ անթափանց (ավազե, մատաղական կամ բետոնե) հիմքերի վրա, ինչը կբացառի վերջիններիս արտահոսքով պայմանավորված հողային համակարգերի վրա հնարավոր աղտոտման ռիսկերը:

Շինարարության ընթացքում օգտագործվելու են շինարարական մեքենաներ և մեխանիզմներ՝ բուլդոզեր, ավտոբետոնապոմպ, էքսկավատոր, ավտոինքնաթափ, ավտոբետոնախառնիչ, ամբարձիչ, եռակցման ագրեգատ և այլն: Նախատեսվող գործունեության շինարարության համար անհրաժեշտ բետոնը և շաղախը կառաքվեն մոտակա բետոնաշաղախային հանգույցներից՝ մասնագիտացած տրանսպորտային միջոցներով: Շինարարական աշխատանքների կատարման ժամանակ օգտագործվելու են շինանյութեր՝ բետոն, ամրանային ձողեր, երեսապատման սալիկներ, ներքին հարդարման, ջերմամեկուսիչ նյութեր և այլն:

Դպրոցի կանաչապատման աշխատանքների շրջանակում նախատեսվում է 630մ² մակերեսով կանաչ գոտու ստեղծում, որտեղ կտնկվեն 50 արժեքավոր ծառատեսակներ, որոնց տեսակային կազմը կհամաձայնեցվի կրթահամալիրի տնօրինության և համայնքի հետ: Կրթահամալիրի տարածքում՝ գլխավոր մուտքի և փողոցին զուգահեռ հատվածում, առկա են 20 կանադական բարդիներ: Նշված աշխատանքներն իրականացվելու են տարածքի բուսահողով զբաղեցրած հատվածներում, ինչի համար լրացուցիչ բուսահող չի պահանջվում: Ոռոգման ցանց չի նախագծվում, քանի որ տեղանքում բացակայում է ոռոգման համայնքային ջրագիծը: Կանաչ գոտիների ոռոգումը կիրականացվի ջրցան մեքենաների միջոցով:

Նախատեսվող գործունեության իրականացման ընթացքում շրջակա միջավայրի վրա ազդեցությունները կկրեն ժամանակավոր բնույթ՝ մինչև շինարարության ավարտը: Համաձայն նախնական գնահատման հայտի՝ նախատեսվում են օդային ավազանի, հողային և ջրային ռեսուրսների աղտոտումից պահպանման, դրանց արդյունավետ օգտագործման, թափոնների կառավարման, աղմուկի մակարդակի, արտակարգ իրավիճակների ռիսկի նվազեցմանն ուղղված բնապահպանական միջոցառումներ, որոնք ներառված են հայտի միջոցառումների ծրագրում և մոնիթորինգի պլանում, այդ թվում՝

- շինարարության ընթացքում օդային ավազան փոշու արտանետումների քանակը նվազեցնելու նպատակով շինհրապարակի պարբերաբար ջրցանում,

- շինարարական մեքենաների երթևեկության կազմակերպում՝ համապատասխան չափաքանակներով ծածկված բեռնատարներով և շինհրապարակից դուրս եկող ավտոմեքենաների լվացված անվադողերով,

- շինհրապարակում նյութերի և թափոնների պահումը բետոնե տարածքում՝ ծածկված վիճակում,

- շինհրապարակի ցանկապատում, ցուցանակների ու պաստառների տեղադրում,

- փոշու, աղմուկի և թրթռումների մակարդակի հսկողություն՝ գործիքային չափագրումների կատարմամբ,

- աղմուկ առաջացնող աշխատանքներն իրականացվելու են թույլատրելի մակարդակների սահմանում և ցերեկային ժամերին, մինչև ժամը 18:00,

- անսարք վիճակում մեքենաների և սարքավորումների օգտագործման բացառում,



- մեղմացնող միջոցառումների կատարումը և դրանց արդյունավետությունը ստուգելու նպատակով կանոնավոր մոնիթորինգի իրականացում,
- բոլոր մեքենաների վրա համապատասխան խլացուցիչների տեղադրում՝ աղմուկի մակարդակը նվազեցնելու նպատակով,
- շինարարության ընթացքում աղբի ու շինարարական թափոնների տարանջատում, դասակարգում ըստ տեսակների՝ պինդ, հեղուկ և վտանգավոր,
- հողաբուսաշերտի հանումը, պահպանումն ու հետագա օգտագործումը՝ ՀՀ օրենսդրությամբ սահմանված պահանջների համաձայն,
- բանվորական և այլ անձնակազմի ապահովում՝ սեզոնային արտահագուստով և այլ անձնական պաշտպանիչ միջոցներով (սաղավարտ, շնչառական դիմակ, պաշտպանիչ ակնոց, ականջակալ և անվտանգության գոտի),
- դպրոցի կանաչապատված տարածքի աճի և վիճակի մշտադիտարկումներ,
- աշխատանքների և արտակարգ իրավիճակների անվտանգության ապահովում և այլն:

Բնապահպանական միջոցառումների համար նախատեսվելու է 15 599.11 հազ. ՀՀ դրամ:

Պատճառաբանական մաս. նախատեսվող գործունեությունն իրականացվելու է գոյություն ունեցող դպրոցի տարածքում: Գործունեության շինարարությունը և շահագործումն իրականացվելու է ՀՀ-ում գործող օրենսդրության և նորմատիվատեխնիկական փաստաթղթերի պահանջներին համապատասխան: Շրջակա միջավայրի վրա ազդեցությունները լինելու են շինարարության փուլում և կրելու են ժամանակավոր բնույթ: Հայտով նախատեսված միջոցառումների կատարման արդյունքում կնվազեցվեն շրջակա միջավայրի վրա հնարավոր բացասական ազդեցությունները: Օրենսդրությամբ սահմանված կարգով նախատեսվող գործունեության վերաբերյալ Արագածոտնի մարզի Օհանավան համայնքում իրականացվել են հանրային քննարկումներ, որի ընթացքում հանրությունը դրական է արտահայտվել: Փորձաքննական գործընթացին ներգրավվել են առողջապահության, արտակարգ իրավիճակների, կրթության, գիտության, մշակույթի և սպորտի, պաշտպանության նախարարությունները, քաղաքաշինության կոմիտեն, շրջակա միջավայրի նախարարության ստորաբաժանումները: Հայտը լրամշակվել է, հաշվի առնելով նաև ստացված դիտողությունները և առաջարկությունները:

Փորձաքննական պահանջներ

1. Շինարարական աշխատանքների իրականացման ընթացքում անհրաժեշտ է հետևել նախնական գնահատման հայտով ամրագրված բնապահպանական միջոցառումների կատարմանը, իսկ դրանց չբավարարման դեպքում նախատեսել լրացուցիչ միջոցառումներ՝ ուղղված բնապահպանական և շինարարական նորմերի պահպանմանը:

2. Նախատեսվող շինարարական աշխատանքներն անհրաժեշտ է կատարել օրվա ցերեկային ժամերին՝ հնարավորինս նվազագույնի հասցնելով բնակելի տարածքներում աղմուկի և ճանապարհների բեռնվածությունը:



3. Վերանորոգվող շենք-շինությունները ծածկել համապատասխան բարձրության անջրթափանց թաղանթով:

4. Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

5. Նախատեսվող գործունեության իրականացման ընթացքում պահպանել արտակարգ իրավիճակների և աշխատանքի անվտանգության ՀՀ օրենսդրությամբ սահմանված նորմերն ու կանոնները, ներառյալ առողջապահության նախարարի 2017թ. մարտի 28-ի թիվ 12-Ն հրամանի պահանջները:

6. Անհրաժեշտ է ապահովել հայտով ամրագրված կանաչապատման աշխատանքների իրականացումը և խնամքը:

ԵԶՐԱՓԱԿԻՉ ՄԱՍ

«ՆՕՍ ՊՐՈԵԿՏ» ՍՊԸ-ի կողմից ներկայացված Վարդենիկ համայնքի «Կրթահամալիր» ՊՈԱԿ-ի վերակառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ փորձաքննական պահանջների պարտադիր կատարման պայմանով:

Գլխավոր մասնագետ՝



Ա. Վարդանյան